

TISSI PER LA GNERVA

da Chatrina Josty

Fertig. Uss al scriv jau in sms. Suenter trais magiels vin e suenter che jau hai formulà 10 giadas il text e tramess el a mias 20 meglras amitgas per commentar, hai jau uss avunda curaschi da trametter il sms.

Jau scriv, jau smatg sin «trametter» ... el va, el vegn tramess ed uss èsi memia tard per in return.

Mes messadi da 160 segns è svanì en la fora naira da quest mund digital per cumparair pauc pli tard sin ses display. Quai stu vess uss esser il cas.

In srrr sin mes telefonin conferma che mia chartina digitala è arrivada tar el. Uss cumenza il spetgar.

1 minuta: ok, forse nun ha'l gist vi dal corp il telefonin, el n'ha betg badà il vibrar u n'ha betg udì el.

5 minutas: ok, forse è'l gist sut la duscha.

10 minutas: dorma'l?

15 minutas: forse ponderescha el tge responder.

20 minutas: el na sa betg tge scriver.

25 minutas: el na ma po betg star ora.

27 minutas: el m'odiescha.

30 minutas: scriva, mann!

31 minutas: finalmain, il vibrar!

«Chau ti! Cun mai vai bain! Grazia. Cler che nus pudain ina giada ir a baiver ina. Jau telefon. Era a tai ina bella saira!»

Mes cor batta!

31 minutas. Tge vul quai dir?